

■ FORUM DA LAS PARTIDAS

Christian Rathgeb: Versà per il Grischun

Darcheu illa regenza: Cun prestaziun, perseveranza e plaschair al success Christian Rathgeb lavura amo adüna cun entusiassem e grand plaschair per la politica liberala. Seis ingaschamaint capita suot la devisa: As posiziunar cleramaing ed esser avert per il dialog. Uschè as riva a decisiuns chi chattan üna majoranza e chi as verifican eir sün lunga vista. Cun prestaziun, energia e plaschair voul el contribuir al success, illas tschernas illa regenza sco i'l cussagl grand 2014. Per la pld sun tuottas duos elecziuns sül listess livè.

In seis departamaint per I güstizia, sgürezza e sandà s'occupa el cun dumandas our da quist spectrum vast e differenzià. Böt central esa da s-chaffir bunas condiziuns da basa i'l chantun Grischun per sgürar üna güstizia buna, mantgnair uorden e sgürezza e promover la chüra, impustüt dals umans attempats ed amalats.

El porta las ideas libera- las aint illa regenza e cumbatta üna bürocrazia schmasürada. El as mett'aint per il Grischun sco lö attractiv da fuormaziun, da lavur e da domicil, el rinforza la pulizia chantunala chi cumbatta consequenta da la criminalità, per masüras effiziantas aint il sector da l'asil, eir cunter l'abüs da quel dret e per sgürar üna chüra da la sandà d'ota qualità in tuot il chantun.



Aint ils ultims duos ans Aha'l miss in pracha la planisaziun dals ospidals, preschantà üna strategia per il sistem grischun da la chüra da la sandà e revais totalmaing la ledscha areguard la psichiatria. Implü sun actualmaing tanter oters ils problems seguaints sül glista da tractandas:

L'armada ha preschantà Lün concept nouv da las plazzas d'arma. Il chantun Grischun es bain plazzà, el sto serrar be üna piazza da tschinch, eir scha l'armada redüa per ün terz. Tuot las plazzas da lavur, raduond 150, restan i'l Grischun ed investiziuns da 130 miliuns francs sun sgüradas, tuot quai grazcha a las bunas relaziuns ed il dun da trattar da cusglia governativ Rathgeb.

Ils centers d'asil federals I Sufers e Medel, chi valan in Svizra sco exaimpels da cooperaziun naziunala s'haja pudü raggiundscher üna quota fich ota are-

guard tour in quint quellas plazzas sül las plazzas chantunalas.

La PLD. Ils Liberals Grischun as mett'aint per:

– il Grischun sco lö attractiv d'economia e da domicil

– plazzas da lavur grazcha a fuormaziun e creschita

– ün stadi stigl e performant cun structurassimplas, cumüns fermes, servezzans effiziantes e gremis cun legitimaziun democratica

– scoulas orientadas sün qualità e superbis da lur prestaziun

– limits clers per la creschita statale

– impostas e taxas chi sun suot la media svizra

– damain bürocrazia e damain reglamentaziun

– redüer la politica da «dar aua cul sbrinzel» aint il sector social

– politica dürabla d'energia cun portaders energetics indigens e cun pac CO₂ (aua e laina)

– integraziun dals esters tras lavur e cugnuschentschas da la lingua

– ün dialog politic constructiv e portà dal respet vicendaivel

– üna politica mirada sül fats, averta, clera ed orientada allas soluziun

Recumandaziun da la Partida liberala dal Grischun